

兩浙名賢錄

兩浙名賢錄卷四十五目次

文苑

漢

嚴夫子忌

嚴侍中助

三國吳

武陵太守謝偉平承

子崇  
最附

朱侍中育

鄱陽太守虞翔

任奕  
附

晉

尚書郎褚季雅陶

相國參軍陸士衡檢

右司馬陸士龍雲

軍容祭酒孫德施惠

散騎常侍陸恭仲喜

子育附

散騎常侍于令升寶

宋齊梁陳

謝康樂靈運

千鳳附

法曹行參軍謝惠連

吳郡太守王休泰韶之

征北諮議參軍謝超宗

尚書吏部郎謝玄暉朧

中書令謝希逸莊

吏部尚書謝景濂覽

弟舉附

尚書左丞謝玄度微

宋處深廣之

散騎常侍孔德璋稚珪

丘祭酒靈鞠

子遵附

尚書僕射沈休文約

孫象附

吳叔庠均

太子中舍人陸佐公倜

三子附

丘令楷

御史中丞沈初明炯

陸韓卿厥

附 虞炎

東曹掾孔道

黃門侍郎陸子龍雲公

黃門侍郎顧希馮野王

吏部尚書陸伯玉瓊

子從典附

散騎常侍陸溫玉琰

弟瑜附

隋

秘書丞姚伯審察

秘書學士顧仲文彪

魯世達附

秘書學士虞士裕綽

唐

弘文館學士姚思廉簡

東宮學士賀德仁

兄德基附

散騎常侍褚希明亮

曾祖澄父玠附

西臺舍人徐將道齊聃

子附

內史舍人孔紹安

子禎孫季胡萬壽附

溧陽尉孟東野郊

監察御史吳少微

子鞏附

楊衡

監察御史舒元興

秘書監賀季真知章

子澄附

殿中侍御史沈下賢亞之工部郎中皇甫持正湜

子附

沈千運

中書舍人徐季海浩

進士施希聖肩吾

徐凝附

著作郎顧通翁况

子非熊附

著作郎孔惟微至

包進士融

子何信附

散騎常侍馮介夫定

兄宿附

秘書郎錢起

丹徒縣尉項子遷斯

協律郎章八元

子孝潔孫碭附

職方員外郎袁還朴不約方雄飛子

戶部侍郎吳于華融

祖肅附

閻士和

工部尚書陸祥文辰

嚴子重憚

和州刺史凌宗一準

給事中羅昭諫隱

子塞翁附

二代

嚴州刺史劉昭禹

兩浙名賢錄卷四十五 目次終

兩浙名賢錄卷之四十五

東海徐象梅仲和氏纂

錢唐陳義適林道氏閱

文苑

漢

共二人

嚴夫子心

嚴忌本姓莊避明帝諱稱嚴由拳人也忌與司馬相如俱好辭賦哀屈原受性忠貞不遇明主而遭暗世乃斐然作辭歎而述之曰哀時命遭景帝不好辭賦無所得



志聞梁孝王右文通賓客乃徒步入梁受知孝王與鄒陽枚乘俱見尊重而忌名尤甚世稱嚴夫子

嚴侍中助

嚴助忌子也。或言族子。武帝時罷舉賢良對策百餘人。帝善助對。擢中大夫。是時帝務開邊。屢舉賢良文學。令助等與公孫弘辯論中外相應。以義理之文。大臣數詘而助獨親幸。吾丘壽王司馬相如東方朔枚舉不及也。建元三年。閩越圍東甌。詔助持節發兵救之。助風諭南粵。遣箕子入侍。又併論淮南王發兵臨粵。帝益賢助。嘗

侍燕從容上問助居鄉里時助對曰家貧爲友婚富人  
所辱上問所欲助曰嶼爲會稽太守於是拜會稽太守  
數年不聞問乃賜書曰君厭承明之廬勞侍從之事懷  
故土出爲郡吏會稽東接於海南近諸越北枕大江阻  
者濶焉久不聞問具以春秋對毋以蕪秦縱橫助恐上  
書謝願奉三年計最詔留侍中後淮南王反以助嘗受  
賂遺帝意薄其罪御史大夫張湯以爲腹心之臣而外  
與諸侯私交不誅後不可治竟論殺之歸葬由拳

三國異

共六人

武陵太守謝偉平承 子崇最附

謝承字偉平山陰人洽聞強記一覽不忘以女兒爲孫  
權夫人仕吳官至武陵太守撰後漢書百餘卷子崇最  
崇楊威將軍最吳郡太守並知名

朱侍中育

朱育山陰人少好奇字造作異字千名以上仕郡門下  
書佐太守濮陽典正旦宴見掾吏問昔王景典問士於  
虞仲翔而未覩仲翔對也書佐寧識之乎育因舉成論  
開說州治沿革條答詳敏太守稱善育後仕朝嘗在臺

關爲東觀令。加位侍中。推刺占射。文藝優絕。

鄱陽太守虞翔

任奕附

虞翔章安人。仕吳爲鄱陽太守。與同邑任次龍各馳文。傲憚若春榮。次龍名奕。立操清修。不染流俗。郡將蔣秀請爲功曹。嘗以秀不奉法。苦諫不納。謝去。久之。秀坐事被收。歎曰。任功曹真人也。歷官御史中丞。咸和三年卒。

晉

共七人

尚書郎褚季雅陶

褚陶字季雅。錢塘人。弱不好弄。少而聰慧。以墳典自娛。

年十三作鷗鳥水碓二賦見者竒之吳平召補尚書郎  
張華見之謂陸機曰君兄弟龍躍雲津顧彥先鳳鳴朝  
陽謂東南之寶已盡不意復見褚生機曰公但未覩不  
鳴不躍者爾華曰故知延陵之德不孤川嶽之寶不賤  
矣仕至中尉卒

相國參軍陸士衡機

陸機字士衡海鹽人抗子也少有異才服膺儒術抗卒  
領父兵爲牙門將年二十而吳滅退居勤學太康末與  
弟雲入洛造太常張華華重其名如舊相識曰伐吳之

役利獲二僑。萬之諸公。太傅楊駿。辟爲祭酒。累遷太子洗馬。吳王晏出鎮淮南。以機爲郎中令。遷尚書中兵郎。轉殿中郎。趙王倫輔政。引爲相國參軍。預誅買諛。功賜爵關中侯。成都王穎起兵討長沙王乂。假機後將軍。河北大都督。被譖爲穎所殺。機天才秀逸。辭藻宏麗。張華曰。人之爲文。恨才少。而士衡患其多。弟雲曰。君苗見兄文。輒欲燒其筆。研後葛洪稱機文。猶玄圃之積玉。無非夜光。五河之吐流。泉源如一。其弘麗妍靡。英銳飄逸。爲一代之絕。所著文三百餘篇。有集十卷。今存詩賦論議。

卷之四十五  
四  
箋表碑誄一百七十餘首

右司馬陸士龍雲

陸雲字士龍六歲能文與兄機齊名號二陸吳尚書廣陵閔鴻奇之曰此兒若非龍駒當是鳳雛年十六入洛刺史周駿召爲從事曰陸士龍今之顏子也補浚儀令有異政稱神明尋拜吳王晏郎中令人爲尚書郎侍御史太子中舍人中書侍郎成都王穎表爲清河內史轉大將軍右司馬與兄機同遇害所著文三百四十九篇新書十篇集凡十卷

軍容祭酒孫德施惠

孫惠字德施富陽人吳豫章太守賁之曾孫口訥好學  
有才識東海王越舉兵下邳惠乃諛稱南嶽逸士秦秘  
之以書于越越卽以爲記室參軍專掌文疏預參謀議  
復補司空從事中郎越誅周穆等夜召參軍王廙造表  
廙戰懼壞數紙不成時惠不在越歎曰孫中郎在表就  
久矣越遷太傅以惠爲軍容祭酒每造書檄越或驛馬  
催之應命立成皆有文采

散騎常侍陸恭仲喜

子育附



陸喜字恭仲。機之從父兄。仕吳。累遷吏部尚書。少有聲名。好學。有才思。嘗爲自序。其略曰。劉向省新語而作新序。桓譚詠新序而作新論。余不自量。感子玄之法言。而作言道。觀賈子之美才。而作訪論。觀子政洪範而作古今歷覽。蔣子通萬機而作審機。讀幽通思玄四愁。而作娛賓九思。真所謂忍媿者也。其書近百篇。吳平。又作西州清論。傳於世。借稱諸葛孔明以行其書也。太康中下詔曰。偽尚書陸喜者十五人。南士歸稱。並以貞潔。不容皓朝。或忠而獲罪。或退身修志。放在草野。主者可皆隨。

本位就下拜除勅所在以禮發遣須到隨才授用乃以  
喜爲散騎常侍尋卒子育爲尚書郎弋陽太守

散騎常侍于令升寶

于寶字令升其先新蔡人祖統吳奮武將軍都亭侯父  
瑩片陽丞徙家海鹽寶少勤學博覽書記以才器召爲  
著作郎平杜弢有功賜爵關內侯中興草創未置史官  
中書監王導疏薦寶於元帝於是始領國史以家貧求  
補山陰令遷始安太守王導署爲司徒右長史遷散騎  
常侍著晉紀自宣帝迄於愍帝五十三年凡二十卷奏

之其書簡潔直而能婉。咸稱良史。性好陰陽術數。留董  
京房夏侯勝等傳。撰集古今神祇靈異。人物變化。名搜  
神記。凡二十卷。以示劉惔。惔曰。卿可謂鬼之董狐。又爲  
左氏春秋左氏義外傳。註周易周官。凡數十篇。及雜文  
集行於世。

宋齊梁陳

共三十五人

謝康樂靈運

子風附

謝靈運。玄之孫也。少好學。博覽羣書。與顏延之並以文  
章爲江左第一。襲封康樂公。累遷秘書丞。坐事免。宋受

禪降爵爲侯爲太子左衛率少帝卽位出爲永嘉太守郡有名山水遂肆意遊遨踰旬朔尋引疾還始寧修營舊業有終焉之志每有詩一首至都下貴賤莫不競寫宿昔問士庶皆徧名動都下作山居賦并自註以言其事文帝徵爲秘書丞不赴命光祿大夫范泰敦趣乃出遷侍中賞遇甚厚靈運詩書皆兼獨絕每文竟手自寫之文帝稱爲二寶自以名輩應參時政至是惟以文義見接每侍上宴談賞而已意常怏怏多稱疾不朝出郭遊行經旬不返乃賜假東歸與族弟惠連等東海何

長瑜穎川荀雍太山羊璿之以文章賞會共爲山澤之  
遊因祖父之資生業甚厚鑿山浚湖功業無已尋山陔  
嶺必造幽峻岩障數十重莫不備盡登躡常着木屐上  
山則去其前齒下山去其後齒嘗自始寧南山伐木開  
徑至臨海從者數百臨海太守大駭以爲山賊知是靈  
運乃安始寧有休隍湖靈運求以爲田太守孟顛固執  
不與遂成怨隙表其異志靈運詣闕自陳文帝不罪更  
以爲臨川內史在郡遊放不異永嘉爲有司所糾靈運  
與兵逃逸作詩曰韓亡子房奮秦帝魯連耻追討擒之

上愛其才乃降死一等。徙廣州或告其買兵器結健兒。詔於廣州弃市。年四十九。靈運恃才放逸。多所凌忽。故及於禍。子鳳。元嘉中爲奉化令。有惠政。民祀之。

法曹行參軍謝惠連

謝惠連。會稽太守方明之子。十歲能屬文。族兄靈運嘉賞之。云每有篇章對惠連。輒得佳語。嘗於永嘉西堂思詩。竟日不就。忽夢見惠連。卽得池塘生春草。大以爲工。嘗云。此語有神助。非吾語也。本州辟主簿。不就。元嘉七年。始爲司徒彭城王義康法曹行參軍。義康修東府城。

城壘中得古塚爲之改葬使惠連爲祭文留信待成其  
文甚美又爲雪賦以高麗見奇靈邈見其新文每日張  
華後生不能易也年三十七卒

吳郡太守王休泰詔之 父偉之子詳附

王韶之字休泰郎中令偉之之子偉之少有志當世泰  
元隆安時事大小悉爲撰錄韶之少孤家貧好學嘗三  
日絕糧而執卷不輟爲文善敘事有良史才除著作佐  
郎宋武帝以其博學有文辭補通直郎領西省出爲吳  
郡太守得父舊書私撰晉安帝春秋叙王珣貨殖王厥

作亂。珣子弘適領揚州刺史。詔之在郡。常慮爲弘所繩。夙夜勤勵。稱爲良守。有孝傳三卷。及文集。行於世。宋廟歌辭。詔之所作也。子驥位臨賀太守。

征北諮議參軍謝超宗

謝超宗。風之子。隨父嶺南。元嘉末得還。與慧休道人來。姓。文辭盛得名譽。選爲新安王子鸞國常侍。王母殷淑儀卒。超宗作誄奏之。帝大嗟賞。謂謝莊曰。超宗殊有風毛。泰始中。爲尚書殿中郎。齊高帝爲領軍。愛其才。以爲義興太守。坐公事免。請東府門自通。其日風寒。



高帝謂四坐曰。此客至。使人不衣。自暖。及齊受禪。爲黃門郎。有司奏撰郊廟歌。上勅司徒褚彥回等。作者凡十人。超宗辭獨見用。爲人恃才。使酒多所凌忽。出爲南郡王中軍司馬。坐怨望。免官。武帝卽位。使掌國史。除竟陵王征北諮議。領記室。愈不得志。超宗爲子娶張敬兒女。爲婦。帝甚疑之。及敬兒誅。超宗謂丹陽尹李安人曰。往年殺韓信。今年殺彭越。君欲何計。安人具啓之。帝遂下超宗廷尉。一宿髮白皓首。詔徙越巂。行至豫章。賜死。子幾卿自有傳。

尚書吏部郎謝玄暉朧

謝朧字玄暉正員郎緯之子吳興太守述之孫也少好學有美名文章清麗爲齊隨王子隆鎮西功曹轉文學子隆在荊州好辭賦朧尤被賞不捨日夕長史王秀之以朧年少相勸欲以啓聞朧知之因事求還仍除新安王中軍記室朧箋辭子隆時荊州信去倚待朧執筆便成文無點易以本官兼尚書殿中郎明帝輔政以爲驛騎諮議領記室掌勅府文筆又掌中書詔誥轉中書郎出爲晉安王鎮北諮議南東海太守行南徐州事未幾

遷尚書吏部郎。朏上表三讓，優答不許。朏善草隸，長五言詩。沈約常云：二百年來無此詩也。敬皇后遷，附山。朏撰哀策文，齊世莫有及者。東昏失德，江祏欲立江篡。王寶玄末更回惑，欲更立始安。朏議不合，輒爲祏構而害之。詔暴其過惡，收付廷尉。又使御史中丞范岫奏收朏下獄，死。時年三十六。朏好獎人才，會稽孔頴祖有才筆，未爲時知。孔珪嘗令草讓表，以示朏。朏嗟吟良久，手自折簡寫之，謂珪曰：士子聲名未立，應共獎成，無惜齒牙餘論。其好善如此。

中書令謝希逸莊

謝莊字希逸，侍中弘微之子。七歲能屬文。及長，韶令美容儀。宋文帝見而異之，謂尚書僕射殷景文曰：「藍田生玉，豈虛也哉！」為隨王誕後軍諮議，領記室。分左氏經傳，隨國立篇，製木方丈圖山川土地，各有分理。離之則州郡殊別，合之則宇內為一。除太子中庶子。時南平王鐸獻赤鸚鵡，普詔羣臣為賦。太子左衛率袁淑文冠當時。及見莊賦，歎曰：「江東無我，卿當獨秀；我若無卿，亦一時之傑。」元凶弒立，轉司徒左長史。孝武入討，密送檄書與

莊令改正宣布之。莊遺慶心門生具慶奉啓事審詣孝武陳誠及帝踐祚除侍中。孝建元年遷左將軍。莊有口辯。初孝武嘗賜莊寶劍。莊以與豫州刺史魯爽。後爽叛。帝因宴問劍所在。答曰。昔以與魯爽。別竊爲陛下。柱郵之賜。上甚悅。當時以爲知言。拜吏部尚書。坐疾多免官。大明元年起爲都官尚書。遷左衛將軍。加給事中。時河南獻舞馬。詔羣臣爲賦。莊所上甚美。又使莊作舞馬歌。令樂府歌之。遷侍中。領前軍將軍。廢帝卽位。拜金紫。光祿大夫。初孝武寵姬股貴妃薨。莊爲諫言。贊執堯門廢。

帝在東宮，銜之。至是遣人詰莊曰：卿昔作股貴妃諫，知有東宮，不將誅之。孫奉伯說帝曰：死是人之所同，政機一往之苦不足爲困。莊少長富貴，且繫之尚方，使知天下苦劇，然後殺之。未曉，帝曰：卿言有理，繫於左尚方。明帝定亂，得出，使爲赦詔。莊夜出署門，方坐命酒酌之。已微醉，傳詔立待，詔成，其文甚工。後爲尋陽王師，加中書令，散騎常侍，卒。贈右光祿大夫，謚惠子。所著文章四百餘首，行於世。

吏部尚書謝景綽覽弟舉附

謝覽字景濂。潘之子。遷尚書錢唐公主拜驛馬都尉。梁  
武平建鄴朝士王亮王瑩等數人揖自餘皆拜。覽時年  
二十餘爲太子舍人亦長揖而已。意氣剛雅視瞻聽瞻  
武帝目送良久。謂徐勉曰。覺此生芳蘭。竟體想謝莊。琬  
當如此。自此仍被賞遇。天監元年爲中書侍郎。嘗侍坐  
受勅與侍中王暕爲詩答贈。其文甚工。乃使重作。復令  
旨帝賜詩云。雙文旣後進。二少實名家。豈伊爾棟。塵信  
乃俱國華。拜吏部尚書。出爲吳興太守。以蕪湖稱時人  
比之玉。述卒於官。贈中書令。弟纂字言揚。幼好學。與覽

齊名年十四嘗贈沈約詩爲約所賞視會太常博士與  
兄覽俱預元會江淹一見並相欽挹曰所謂御二龍於  
長途者也爲太子家令掌管記深爲昭明太子賞接梁  
武嘗訪舉於覽覽曰識藝過臣甚遠惟飲酒不及於臣  
帝大悅歷遷吏部尚書太清二年遷尚書令卒於內臺  
贈侍中衛將軍開府儀同三司舉託情玄勝尤長佛理  
注淨名經常自講說有文集二十卷

尚書左丞謝玄度徵

謝徵字玄度景仁之子美風采好學善屬文位燕中書



舍人時魏中山王元略還北梁武帝餞於武德殿賦詩  
三十韻限三刻成微二刻便就文甚美帝再覽焉又爲  
臨汝侯製放生文亦見賞於世除尚書左丞及昭明太  
子薨帝立晉安王綱爲皇太子將出詔唯召尚書右僕  
射何敬容宣惠將軍孔休源及微三人與議微時年位  
尚輕而任遇已重後卒於北中豫章王長史南蘭陵太  
守文集二十卷

宋處深廣之

宋廣之字處深錢唐人喜清談初顧愔著三名論以正

四本之失。時賢並立論難。而廣之獨爲精詰。

散騎常侍孔德璋稚珪

孔稚珪字德璋。山陰人。少多學涉。工文辭。時周顒隱鍾山。已而復仕。稚珪作北山移文。譏之。齊高帝爲驃騎。召爲記室。與江淹對掌辭筆。歷御史中丞。建武初。爲南郡太守。以魏連歲南侵。百姓死傷。乃上書陳通和之策。稚珪風韻清疎。好文詠。飲酒七八斗。不樂世務。居室盛管山水。憑几獨酌。傍無雜事。門庭之內。草萊不剪。中有蛙鳴。或問之。稚珪曰。我以此當兩部鼓吹。王晏嘗鳴鼓吹。

候之聞羣蛙鳴曰此殊聒人耳稚珪曰我聽鼓吹殆不及此晏有慙色永元元年爲都官尚書遷太子詹事加散騎常侍卒贈金紫光祿大夫

丘祭酒靈鞠

子暹附

丘靈鞠吳興烏程人也少好學善屬文州辟從事詣領軍沈演之演之曰身昔爲州職詣領軍謝晦賓主坐處政如今日卿將來復如此也累遷員外郎齊高帝使靈鞠參掌詔勅建元元年轉中書郎勅知東官手筆嘗遣東詣司徒褚彥回別彥回不起曰比脚疾更增不復能

起靈鞠曰。那疾亦是大事。公爲一代。鼎臣。不可復爲。履  
餘其強切如此。武帝卽位。爲通直常侍。尋領東觀祭酒。  
靈鞠曰。人居官。願數遷。使我終身爲祭酒。不恨也。靈鞠  
好飲酒。賦。否。人物在沈涂。坐見王儉詩。涂曰。王令文章  
大進。靈鞠曰。何如我未進時。靈鞠在宋時。文名甚盛。人  
齊頗減。蓬髮。弛縱。無形儀。不事家業。王儉謂人曰。丘公  
仕宦不進。才亦退矣。位長沙王車騎長史。卒。著江左文  
章錄序。起大典。訖元熙。文集行於時。子遵。字希範。八歲。  
便屬文。靈鞠常謂氣骨似我。在齊。以秀才遷殿中郎。梁

武帝平鄴引爲驃騎主簿甚被禮遇時勸進梁王及殊禮皆遲文也及踐祚遷中書郎待詔文德殿時帝著蓮珠詔羣臣繼作者數十人遲文最美出爲永嘉太守至任下教曰貴郡控戴山海利羨水陸實東南之沃壤一都之巨會而懸背拘牛屢空於畝畝績麻治絲無聞于寰巷其有畊灌不修桑榆靡樹逸遊廬里酣醕卒歲才異相如而四壁徒立高懸仲蔚而三徑没人是非盛世之民名都之俗革其舊習務其本業維新化理安育老稚雖謝文翁之正俗庶幾美遂之遺風竟以不稱職爲

有司所糾帝愛其才寢其奏天監四年爲臨川王宏諮議參軍北伐魏時陳伯之在北與魏軍來拒遲以書喻之伯之遂降還拜中書侍郎卒遲辭采艷逸鍾嶸評之云范雲婉轉清便如流風回雪遲點綴映媚似落花依草其見稱如此

尚書僕射沈休文約

孫衆附

沈約字休文吳興武康人少篤志好學晝夜不釋卷博通羣籍善屬文濟陰蔡興宗爲郢州時引爲安西外兵參軍兼記室及爲荊州興宗嘗謂其諸子曰沈記室人

倫師表宜善師之又辟爲征西記室事齊文惠太子爲步兵校尉直永壽省校四部圖書特被親遇每旦入見景斜方出竟陵王秉政約以文學見親與范雲等號稱八友梁武帝在西邸與約遊建康平引爲司馬及受禪拜尚書僕射封建昌縣侯約性不飲酒少嗜欲雖特遇隆重而居處儉素立宅東田瞻望郊阜嘗爲郊居賦以叙其事久之加侍中特進遷中軍將軍丹陽尹天監十二年卒於官謚曰隱約左目重瞳子腰有紫志聰明過人好墳典聚書至二萬餘卷都下無比歷仕三代該悉

舊章博物洽聞當世取則謝玄暉善爲詩任彦昇至於  
筆約兼而有之然不能遇也自負高才昧於榮利乘時  
射勢頗累清談及居端揆稍弘止足每進一官輒殷勤  
請退而終不能去論者比之山濤所著晉書一百卷宋  
書齊紀梁武紀若干卷又撰邈言十卷文章志三十卷  
文集一百卷行於世又撰四聲韻譜自謂在昔詞人累  
千載不悟而獨得骨髓窮其妙旨自謂入神之作武帝  
嘗問曰何謂四聲約曰天子聖哲孫衆字仲興好學頗  
有文辭事梁爲太子舍人時武帝製千文詩衆爲之註



解與陳郡謝景同時召見文德殿帝令東作竹賦賦成  
奏之手勅答曰卿文體翩翩可謂無忝爾祖累遷太子  
中書舍人兼散騎常侍陳武帝受命位中書令帝以東  
州里知名甚敬重之賞賜超於時輩尋得罪賜死

吳叔庠均

吳均字叔庠吳郡故鄣人也家世寒賤至均好學有俊  
才沈約嘗見均文頗相稱賞梁天監初柳惲爲吳興召  
補主簿日引與賦詩均文體清拔有古氣一時文士多  
效之號吳均體惲薦之武帝即日召入賦詩稱旨待詔

著作使換史通。始三皇迄齊代。均草本紀世家已畢。性  
列傳未就。卒。均所著後漢書。齊春秋。又作十二州記。錢  
唐先賢傳續文釋各若干卷。

太子中舍人陸佐公倕

子續編附

陸倕字佐公。南兗州刺史慧曉之季子也。少勤學。善屬  
文。於宅內起兩茅屋。杜絕往來。晝夜讀書。者數歲。所讀  
一過。必誦於口。嘗借人漢書。失五行志四卷。乃暗寫還  
之。略無遺脫。十七舉本州秀才。天監初。爲右軍安成王  
主簿。與樂安任昉友。爲感知已賦。以贈昉。昉因此名以

報之及昉爲中丞。管褊輻輳預其燕者。殷芸到溉劉苞。劉孺劉顥劉孝綽及倕而已。號曰龍門之遊。梁武帝雅愛倕才。乃勅撰新漏刻銘。其文甚美。又詔爲石闕銘。勅褒美之。賜絹三十四匹。累遷太常卿。卒。子纘。早慧。七歲通經。爲童子郎。卒。次緇。貌酷似倕。一看殆不能別。

丘令楷

丘令楷。吳興人。工詩。嘗與齊蕭文琰。濟陽江洪。餘姚虞義。共打銅鉢。嘗減卽詩成。皆可觀。竟陵王子良甚稱其才。以爲敏妙絕於一時。

御史中丞沈初明炯

沈炯字初明，吳興武康人。少有俊才，爲當時所重。仕梁，爲吳令。侯景之難，具郡太守袁君正入授建業，以炯監郡臺城。陷，景將宋子仙據吳興，使召炯，委以書記。炯辭以疾。子仙怒，命斬之。炯解衣就戮，或救之得免。子仙敗，王僧辯素聞其名，購得之，自是羽檄軍書皆出於炯。及簡文遇害，四方岳牧上表勸進，僧辯令炯製表。當時莫有逮者。陳武帝南下，與僧辯會白茅灣，登壇設盟，炯爲其文。景平，特封原鄉侯，拜給事黃門侍郎，領尚書左丞。

魏。姓。荆。州。被。虜。甚。見。禮。遇。授。儀。同。三。司。以。母。在。東。恒。思。歸。國。恐。以。文。才。被。留。開。門。却。掃。無。所。交。接。時。有。文。章。隨。卽。棄。毀。不。令。流。布。爲。表。陳。情。乞。還。曰。臣。聞。橋。山。雖。掩。揚。湖。之。電。可。祠。有。魯。遂。荒。大。庭。之。跡。無。泯。伏。惟。陛。下。降。德。滌。蘭。集。靈。豐。谷。漢。道。旣。登。神。仙。可。望。射。之。果。於。海。浦。禮。日。觀。而。稱。功。橫。中。流。於。汾。河。指。栢。梁。而。高。宴。何。其。甚。樂。豈。不。然。與。旣。而。運。屬。上。仙。道。窮。冥。駕。甲。帳。珠。簾。一。朝。零。落。茂。陵。玉。盃。遂。出。人。間。陵。雲。故。基。與。原。田。而。麤。麤。別。風。餘。迹。帶。陵。阜。而。茫茫。羈。旅。縲。臣。豈。不。落。淚。昔。承。明。見。朕。

嚴助東歸，駟馬可乘。長卿西返，恭聞故實。竊有感心，爰  
稷非馨，敢望微福。但雀臺之弔空，愴魏君雍丘之禍未。  
光夏后，瞻仰烟霞，伏增悽戀。未幾放還，歷司農卿、御史  
中丞。陳武帝受禪，加通直散騎常侍、軍國大政，多預謀  
議。卒贈侍中。謚恭子，有集二十卷行世。

陸韓卿厥

虞炎附

陸厥，字韓卿，揚州別駕用之子也。少有風采，善屬文。州  
舉秀才，時盛爲文章，具與沈約、陳郡謝朓、瑯琊王融以  
氣類相推。數汝南周顒，善識聲韻。約等文皆用宮商，以

四聲製韻有平頭上尾蜂腰鶴膝五字之中音韻悉具  
兩句之內角徵不同不可增減世呼爲永明體厥以爲  
一人之思遲速天懸一家之文工拙壤隔何獨宮商律  
呂必責其如一如長門上林殆非一家之賦洛神池雁  
便成二體之作王粲初征他文未能稱是楊修敏捷暑  
賦彌日不獻與約書性復論難約論四聲雖妙有詮辯  
而諸賦往往與聲韻乖時論者以厥言爲是永元元年  
始安王遙光反父閑被誅厥坐繫尚方尋有赦厥感慟  
爾卒年二十八文集行於世時有會稽虞爽以文學與

沈約俱爲文惠太子所遇。意盼殊常。官至驍騎將軍。

東曹掾孔道

孔道山陰人。有才藻。製東都賦。才士稱之。陳郡謝滂。年少時遊會稽。還。父莊問入東何見。見道否。其見重於名流如此。著三吳決錄。不傳。終於衛軍武陵王東曹掾。

黃門侍郎陸子龍雲公

陸雲公字子龍。厥弟桓之子也。五歲誦論語毛詩。九歲讀漢書。略能記憶。從祖倕與沛國劉顛執問十事。雲公對無所失。顛歎異之。及長。好學。有才思。爲平西湘東王。



釋行參軍。雲公先製秦伯廟碑，具與太守張纘，罷郡經途，讀其文，歎曰：「今之蔡伯喈也。」纘至都，掌選，言之武帝，召爲尚書儀曹郎，入直壽光省，以本官知著作郎事，累遷中書黃門郎，兼掌著作。時天泉池新製鱸魚舟，形狹而短，帝暇日常泛此舟，朝中惟引太常劉之遴、國子到溉、右衛朱异、雲公。時年位尚輕，亦預焉。太清元年卒。張纘時爲湘川，與雲公叔襄書曰：「都信至，知黃門殞逝，非惟貴門喪寶，實爲有識同悲。其爲士流稱重如此。」

黃門侍郎顧希馮野王

顧野王字希馮吳郡海鹽人巢之後也。祗子喬父烜俱以儒術顯。野王七歲讀五經。知大旨。九歲製日賦。領軍朱异奇之。十二歲隨父建安撰建安地記。及長。徇觀。經史精記。默識天文地理。善龜占候。蟲篆奇字。圖畫無所不通。宣城王爲揚州刺史。野王及瑯琊王褒並爲賓。野王入善丹青。王於東府起齋。令野王圖古賢。命王褒書。贊。時人稱爲二絕。父卒。憂毀不勝喪。聞侯景亂。遂募兵。振都野王體素清羸。裁長六尺。又居喪過毀。殆不勝哀。及杖戈被甲。陳君臣之義。逆順之理。抗辭作色。見者莫

不壯之。天嘉中，勅補撰史學士。歷太子率更令，尋領大著作，掌國史，知梁史事。後爲黃門侍郎，知五禮事。卒，贈秘書監，右軍將軍。所撰玉篇與地志各三十卷，符瑞圖分野樞要續洞略一百卷，行於世。國史傳二百卷，未就而卒。有文集二十卷。

吏部尚書陸伯玉瓊

子從典附

陸瓊字伯玉，雲公之子。幼聰慧，有思理。六歲爲五言詩，頗有詞采。號爲神童。武帝召見瓊，風神警亮。進退詳審，帝甚異之。十一，丁父憂，毀瘠有至性。從祖襲歎曰：此兒

必荷門基。所謂一不爲少。陳天嘉中，以文學累遷殿中郎，爲陳文帝所賞。及討周顛，陳寶應等，都官符及諸大手筆，並中勅付瓊。歷官給事中、黃門侍郎，領大著作。初，父雲公奉梁武勅，撰嘉瑞記，瓊述其旨而續焉。自永定訖於至德，勅成一家之言。遷吏部尚書，著作如故。至德四年辛集二十卷，行於世。子從典，字由儀，幼聰敏。年八歲，讀沈約集，見回文硯銘，援筆擬之，便有佳致。十二作柳賦，其辭甚美。從父瑜特所賞愛。及瑜將終，命家中墳籍皆付之。位太子洗馬。陳亡入隋，官著作佐郎，尚書楊

素奏使從典、續司馬遷史記、訖於隋。其書未就，坐弟受漢王諒贓，免。卒於南陽縣主簿。

散騎常侍陸溫玉琰

弟瑜附

陸琰，字溫玉，梁記室參軍令公之子。幼孤，好學，有志操。州舉秀才，累遷宜惠好興王外兵參軍。直嘉德殿學士。陳文帝聽覽餘暇，頗留心史籍，以琰博學，善占誦，引置左右，常使製刀銘琰，援筆立成，無所點竄。帝嗟賞久之，賜衣一襲，俄兼通直散騎常侍、東宮管記。以母憂去官。卒，追贈司農卿。所製文章多不存本，後主求其遺文，撰

成二卷弟瑜字幹玉少篤學美辭濠州舉秀才歷官東  
宮學士兄琰時爲管記並以才學娛侍左右時人比之  
二應瑜聰敏強記常受莊老於汝南周弘正學成實論  
於僧翻法師並通大旨時皇太子好學欲博覽羣書以  
子集繁多命瑜抄撰未成而卒太子爲之流涕追贈光  
祿卿有集十卷

隋

共四人

秘書丞姚伯審祭

姚察字伯審武康人信之九世孫也六歲日誦萬餘言

梁

卷之四十五

一

光緒

不好戲弄。勵精學業。十二能屬文。聞見日博。十三深簡文帝時在東宮。盛修文義。卽引於宣猷堂聽講論。難爲儒者所稱。陳大建初。補宣明殿學士。尋爲通直散騎常侍。報聘於周。江左耆舊先在關右者。咸相傾慕。沛國劉綽。竊訪漢書疑事十餘條。並爲剖析。皆有經據。綽謂所親曰。名下定無虛士。察自居顯要。未嘗受人餽餽。有私送南布一端。花練一疋者。察謂曰。吾所衣着。止是麻布。蒲練於吾無用。此人還請。察厲色驅出自是。莫敢餽遺。隋授秘書丞。別勅成梁陳二史。文帝嘗指察語朝臣曰。

姚察學行當今無比。我平陳唯得此一人。後母憂毀  
哀逾制。時有白鳩巢於戶上。太業初。授太子內舍人。三  
年。卒於東都。遺命薄葬。察性至孝。有人偷鑿。沖虛譏  
遜。不以所長於人。專志著書。白首不倦。所著漢書訓纂。  
說林。西聘玉璽。建康三鍾等記。文集六十餘卷。行於世。  
又撰梁陳史。未畢而卒。子思廉續成之。思廉自守。傳。

秘書學士顧仲文彪

魯世達附

顧彪字仲文。餘杭人。博雅工文筆。尤明尚書春秋大業  
中。爲秘書學士。撰古文尚書二十卷。文集雜著百餘篇。



時同邑魯世達爲國子助教與彪齊名每有篇章一時  
傳播撰毛詩章句義疏四十二卷行於世

秘書學士虞士裕綽

虞綽字士裕餘姚人身長八尺姿容甚偉博學有雋才  
尤工草隸陳左衛將軍傅宰有盛名於世見綽辭賦歎  
謂人曰虞郎之文不可及也大業初拜秘書學士奉詔  
撰長洲玉鏡等書綽所筆削帝未嘗不稱善遷著作佐  
郎與族弟世南庾自直蔡允恭等四人常居禁中以文  
翰待詔恩盼隆洽從征遼東帝合臨海頗見大鳥詔綽

為銘帝覽而善之命有司勒於海上以波逸功授建節尉綽恃才任氣無所降下著作郎諸葛穎以學業幸於帝綽每輕侮之由是有隙帝問綽於穎穎曰虞綽粗人也帝領之時禮部尚書楊玄感稱為貴倨虛祿禮之與結布衣之交尋有告綽以禁內兵書借玄感者帝甚銜之及玄感敗以黨玄感賜死年五十四所著辭賦世多傳焉

唐

共四十四人

弘文館學士姚思廉傳

姚思廉本名簡以字行。吏部尚書察之子。少承家學。文學雄於一時。人請爲漢王府參軍。初察在陳。嘗修梁陳二史。未就死。以屬思廉。故思廉表父。遺言有詔。聽續。遷代王侍讀。高祖定京師。府僚皆奔亡。獨思廉侍王不去。兵將升殿。思廉厲聲曰。唐公起義。本安王室。若等不得無禮於王。衆始却。布列階下。帝義之。聽扶王至順陽閣。泣辭去。觀者歎曰。仁者有勇。謂此人乎。俄授秦王府文學。王討徐圖朗。嘗語隋事。慨然歎曰。姚思廉素乃以明大節。古所難者。時思廉在洛陽。遣使遺物三百段。致

書曰景想節義故有是贈秦王爲天策上將軍開府招  
賢置文學館以杜如晦及思廉等一十八人並以本官  
爲學士禮遇隆重時人艶之有十八學士登瀛洲之目  
及卽位後置弘文館以虞世南思廉兼領之嘗引入內  
殿講論前言徃行商榷政事或至夜分乃罷加通直散  
騎以藩邸舊恩凡政事得失許審以聞思廉亦展畫無  
諱拜散騎常侍豐城縣男卒贈太常卿謚曰康陪葬昭  
陵

東宮學士賀德仁

兄德基附

賀德仁山陰人。與兄德基皆以文辭稱。時人爲之語曰：學行可師，賀德基。文質彬彬，賀德仁。兄弟八人，時以此漢荀氏太守王仁改其所居里爲高陽云。武德中，除中書舍人，徙茂馬爲東宮學士。貞觀初，遷趙王友。有集二十卷，藏於四庫。

散騎常侍褚希明亮

曾祖湮父玠附

褚亮字希明，錢唐人。曾祖湮，父玠，皆有名。梁陳間，亮少警敏，博見圖史，一經目輒志於心。年十八，請陳僕射徐陵與語，異之。後主召見，使賦詩。江總諸詞人在席，皆

服其工累遷尚書殿中侍郎入情爲東宮學士遷太常  
博士煬帝議改宗廟之制亮請依古七廟而太祖高祖  
各一殿法周文武二祧與始祖而三餘則分室而祭始  
祖二祧不從迭毀未及行坐與楊玄感善煬帝矜已疾  
才因是亦貶西海司戶時博士濟嶽貶威定主簿亮與  
俱至隴山嶽死爲歛瘞之人皆義亮後爲薛舉黃門侍  
郎舉滅秦王謂曰寡人受命而來嘉於得賢公久事無  
道君得無勞乎亮頓首謝曰舉不知天命抗王師今十  
萬衆兵加其頸大王釋不誅豈獨亮象更生邪王悅賜

乘馬常二百既。帥授王。麻文學。王每征伐。亮在軍中。與秘謀。有裨補之益。貞觀中。累遷散騎常侍。封陽翟縣侯。卒年八十八。贈太常卿。陪葬昭陵。謚曰康。初。太宗作文學館。以亮與杜如晦等七人。並爲學士。命國立本圖像。使亮爲之贊。題名字。爵里。號十八學士。藏之書府。以章禮賢之重。當是時。在選中者。天下所嚮慕。謂之登瀛洲。子達。良。別有傳。

西臺舍人徐將道齊麟

子堅

徐剛。一名齊麟。字將道。吳興長城人。八歲能文。太宗召

談揚所佩金削刀累官西臺舍人咸亨初詔突厥酋長子弟從事東官。上書諫以爲擅襲冒頓之裔解辨削。枉使在左右非所謂恭慎威儀以近有德之義帝題其言。刪善文誥帝愛之令侍皇太子諸王屬文以職樞要。許間日一至坐漏禁中事貶死欽州卒年四十四子堅字元固舉秀才及第爲汾州參軍事東都留守楊再思王方慶共引爲判官方慶善禮樂嘗就質疑晦堅爲申釋常得所未聞屬文典厚再思每目爲鳳閣舍人樣與徐彥伯劉知幾張說與修三教珠英時張昌宗李嶠總



領。彌年不下筆。堅與說專意。撰綜條彙。粗立諸儒。因之  
乃成書。累遷給事中。俄以禮部尚書爲修文館學士。睿  
宗卽位。進封東海郡公。遷黃門侍郎。初太平公主用事。  
武攸暨屢邀請堅。堅不許。又以妻岑曦女弟固。竊機密。  
轉太子詹事。曰。吾非求高。迷禍耳。曷敢不染於惡。出爲  
絳州刺史。久乃遷秘書監。左散騎常侍。玄宗改麗政書  
院爲集賢院。以堅克學士。副張說知院事。帝大酺。集賢  
樓舍在百官上。說令揭大榜以侈其寵。堅見。遽命撤之。  
曰。君子鳥取。多上人。從上泰山。以參定儀典。加光祿大

夫卒年七十餘。贈太子少保。謚曰文。齊。賈。姑爲太宗克  
容。仲爲高宗。魏。好。皆明國史。議者以堅父子如漢班氏  
云。

內史舍人孔紹安

子禎。孫季詡。孫萬壽。附。

孔紹安。越州山陰人。與兄紹新。早知名。陳亡。客居鄆。勵  
志於學。外兄虞世南曰。本朝淪覆。吾分湮滅。有弟若此。  
知不亡矣。紹安與孫萬壽。皆以文辭稱時。謂之孫孔。隋  
大業末。爲監察御史。高祖討賊河東。紹安與夏。侯。端。同  
監軍。禮遇尤密。帝受禪。端先歸。拜秘書監。已而紹安問

道走長安帝悅擢內史舍人子禎歷監察御史門無賓  
謁時譏其介禎子季詡字季和擢制科授秘書郎陳子  
昂稱其神清韻遠可比衛玠

溧陽尉孟東野郊

孟郊字東野湖州武康人少隱嵩山性介少諧合韓愈  
一見爲忘形交年五十始登第調溧陽尉縣有投金瀨  
平陵城林薄冢冪下有積水郊間往坐水傍裴回賦詩  
鄭餘慶爲東都留守奏爲水陸轉運判官試協律郎餘  
慶鎮興元復奏爲行軍參謀卒年六十四張籍謚曰貞

羅先生郊爲詩有理致最爲韓愈所稱然思苦奇澀李  
觀亦論其詩曰高處在古無上平處下顧二謝

監察御史吳少微 子輩附

吳少微淳安人與武功富嘉謨相友善長安中擢進士  
第俱尉晉陽又有魏郡谷倚者並富文辭號北京三傑  
時天下文章尚徐庾浮俚獨少微嘉謨本經術雅厚雄  
邁人爭慕之號吳富體與修三教珠英以常嗣立薦並  
爲左臺監察御史已而嘉謨死少微哭之慟尋亦卒少  
微嘗撰崇福寺鐘銘最爲高雅作者推重并州長史羅

仁。亶。特。以。殊。禮。代。仁。亶。作。九。鼎。銘。詞。亦。典。則。其。爲。詩。通。  
莊。道。勁。沉。鬱。克。揚。如。濃。雲。密。布。雷。電。勃。興。令。人。神。駭。驚。  
觸。不。可。正。視。子。鞏。開。元。擢。第。爲。中。書。舍。人。亦。以。能。詩。世。  
其。家。

楊衡

楊衡。吳興人。以詩名。有盜其詩以登第者。衡因詰。闕亦。  
登第。偶與盜詩者遇。盛怒詰之。曰。一一雀聲飛上天。在。  
否。答曰。此句知兄最惜。不敢偷。衡笑曰。猶可想也。孟東。  
野有悼楊衡詩。

中書舍人朱德源巨川

東巨川字德源嘉興人年二十以明經擢第嘗著四造  
碑磅礪君臣之際表章出處之跡正或蒙難顯黜於  
燕能屬明語賢於默道弘藏衍義與定傾誠者已知其  
有易諒佐檢之風已而北戎病燕華夏爭土巨川乃涿  
居里巷讀書養母考經義之箋訓撰策書之讚序每立  
新評必度常均將欲舍堅超長鍼育起痼又著睢陽守  
城論一篇以爲義者忠之徒危者節之末苟忘義以自  
重是臨節而可移固以探二公之心垂萬古之訓使遠

難者銷聲以結舌，苟生者竒愧而終身。斯深於春秋而不義者遠矣。尋以賢能舉授左衛率府兵曹參軍，改睦州錄事參軍，召拜監察御史，擢左補闕，內供奉，傳納從容，休問昭晰，擢起居舍人，知制誥，拜中書舍人，凡載書之傳信者，贊書之加命者，詔策之封崇者，愍策之褒厚者，其辭必溫，其道必直，洪而不放，纖而不繁，時稱作者。建中四年，遘疾卒，得年五十有九。北海李紆銘其墓，銘曰：猗朱君，秉國文，星冠漢鼎，歆汾勾吳，邑靈海濱，降靈英宅，還真門，脩夜非我，春聳孤石，垂後人。

監察御史舒元興

舒元興，婺州東陽人。始學，卽穎悟。元和中，舉進士，見有司鉤校苛切，既試尚書，雖水炭脂炬、食具皆人自將，吏一唱名，乃得入。列棘圍，席坐廡下，因上書言古貢士未有輕於此者，且宰相公卿由此出，夫宰相公卿非賢不在，選而有司以隸人待之，誠非所以下賢意。羅棘遮截，疑其奸，又非所以求忠直也。詩賦微藝，斷離經傳，非所以觀人文化成也。臣恐賢者遠辱自引去，而不肖者爲階用也。今貢珠貝金玉，有司承以篋笥，皮幣何輕，賢者



重金玉耶。又言取士不宜限數。今有司多者三十，少者二十，假令歲有百元，凱而曰：吾格取二十，謂求賢可乎？歲有才德纔數人，而曰：必取二十，謬進者乃過半，謂合格令可乎？俄擢高第，調樞尉，有能名。裴度表掌典元書記文檄，象健。一時推許，拜監察御史，按劾深害無所縱。再遷刑部員外郎，元輿自負，才有過人者，銳進取。太和中，獻文闕下，不得報。上書自言，馬周、張嘉正代人作奏，起逆旅，卒爲名臣。今臣備位於朝，自陳文章，凡五晦朔，不一報，竊自謂才不後周嘉正，而無因人，又不露所蘊。

是終無振發時也。漢主父偃、徐樂、嚴安以布衣上書，朝  
奏暮召，而臣所上八萬言，其文鍛鍊精粹，出入今古，數  
千百年披剔刮抉，有可以補教化者，未始遺拔犀之角，  
擢象之齒，豈主父等可比哉！盛世難逢，竊自愛惜。文宗  
得書，高其自激，昂出示宰相李宗閔，以元奧浮躁，諛肆  
不可用，改著作郎，分司東都。時李訓居喪，與元奧善，及  
訓用事，再遷左郎中，不三月，以本官同中書門下平章  
事。元奧嘗爲牡丹賦一篇，時稱其工。死後，帝親牡丹，凭  
殿闌，誦賦爲之泣下。

秘書監賀季真知章

子僧子附

賀知章字季真，永興人。性曠爽，善談說，族姑子陸象先嘗謂人曰：季真清談風流，吾一日不見則鄙吝生矣。嗣聖初，擢進士，累官禮部侍郎、兼集賢院學士。玄宗自贊賜之，肅宗爲太子，知章遷賓客、秘書監。知章晚節務誕放，邀嬉里巷，自號四明狂客。每醉輒屬辭，筆不停書，或有可觀，善草隸，好事者具筆硯從之，纒數十字，世傳以爲寶。天寶初，病，夢遊帝居，數日寤，乃請爲道士，還鄉里，詔許之，以宅爲千秋觀，又求鏡湖數頃爲放生池，詔賜

鏡湖翔川一曲既行帝賜詩皇太子百官餞送擢其直  
僧子爲會稽郡司馬賜緋魚使侍養卒年八十六贈禮  
部尚書

殿中侍御史沈下賢亞之

沈亞之字下賢歸安人居小敷山下學於韓退之與皇  
甫湜詩文往來太和初登第適李同捷反朝廷授栢耆  
德利行營諸軍計會使亞之以殿中侍御史爲其判官  
會李祐平德州同捷窮請降者欲襲誅之以掩其功亞  
之日乘請降已而襲之恐生諸將心且殺降不祥軍志

之明戒也。者不聽。竟馳入滄諫。同捷請將嫉其專。目比奏功。積詆之。文宗不得已。貶者循州司戶參軍。亞之貶南康尉。

工部郎中皇甫持正湜

子松附

皇甫湜字持正。淳安人。元和中爲陸渾尉。應賢良方正對策。與李宗閔、牛僧孺俱第一。宰相李吉甫惡其言直。泣訴於上。且言湜爲翰林學士。王涯甥。涯不先言坐貶。湜不測。久之遷工部郎中。卞急使酒數忤。同省求分司。東都留守裴度辟爲判官。度修福先寺。立碑求文於白。

居易湜怒曰。近舍湜而遠取居易。願從此辭。度謝之。湜  
卽請斗酒飲。醑後筆立就。度贈以車馬。繒絲甚厚。湜大  
怒曰。自吾爲顧况集序。未嘗許人。今碑文三千字。字三  
繼。何遇表薄耶。度笑曰。不羈之才也。從而酬之。韓愈爲  
河南尹。愛其才。厚禮之。遂爲韓門弟子。與李翱。張籍。齊  
名。有文集行於世。子松。工文辭。嘗著醉鄉日月三卷。備  
述飲中事宜。全於酒者也。大隱一賦。尤爲綺麗。如牛翁  
虎僕等語。足稱博雅。而其得名。乃在樂府宮詞。大都弄  
出於風人。莊士之口。持正之家。學不與。少損云。

沈千運

沈千運，吳興人。貧篤學，攻苦詩文，力追作者。後生多取法之，以詩益窮。至老不廢吟哦。年七十餘卒。元結《箴中集》云：沈千運，獨挺於流伍之中，強振於已溺之後。磨老不惑，五十餘年。凡所為文，皆與時異。故朋友後生，稱見師效，能似類者五六人焉。嗚呼！自沈公及二三子，皆以正直而無祿位，皆以忠信而久貧賤，皆以仁讓而至。喪亡異於是者，顯榮富貴，誰為辯士？吾欲問之，其為通人所歎息如此。王季友《張籍集》中，皆有過吳興沈千運。

舊居詩

中書舍人徐季海浩

徐浩字季海，會稽人，擢明經，有文辭，爲集賢校理。張說見浩五色鶴賦，歎曰：「後來之英也。」肅宗朝，授中書舍人，詔令誥策，皆出其手，遣笄贍速，而書法甚精，帝嘉之。又參太上皇誥冊，寵絕一時。授兼尚書右丞。浩建言：「故事，有司斷獄，必刑部審覆，自李林甫、楊國忠當國，專作威福，令有至宰相府斷事，尚書以下未省，卽署，乖慎郵意，請如故事，便詔可。」進郡公。卒年八十，贈太子少師，謚曰



定。

進士施希聖肩吾

徐凝附

施肩吾字希聖睦州人元和十年與徐凝同舉進士隱於洪州西山終身不仕自序其詩云二十年辛苦烟蘿松月之下或時學龜息蟬飲而不食腸胃無滓形神益清見天地六合之奧凡奇光異狀閱乎心目者銳思一搜皆落我文字網中幽不可道也後或傳尸解而去疑與肩吾同里元和中以詩名與元白相結官至金部侍郎

著作郎顧遵翁况 子非熊附

顧况字通翁居海鹽縣西三十里橫山禪寂寺側才華而真率翁輕清以爲性結冷汰以爲質煦鮮榮以爲聲眸子瞭然炯炯清立望之真白圭振鷲也偏於逸歌長句駿發踔厲往往若穿天心出月脇意外驚人語非尋常所能及最爲快也至德二載進士與柳渾李泌爲方外友德宗時渾秉政召爲秘書郎及李泌爲相自謂得達官久之遷著作郎坐詩語調謔貶饒州司戶累歲脫縻無復出意結廬茅山號華陽真逸壽九十卒有集十

五卷子非熊讀書一覽成誦好辯說氣陵凌轍爲衆所抑久不第而名在朝野長慶中放榜非熊復下第穆宗怪之詔有司進所試覽之稱旨追榜勅賜及第大中興歷肝胎尉慕父風棄官亦隱茅山或傳非熊得長生術云

著作郎孔惟微至

孔至字惟微若思之子也疑作郎明氏族學與韋述蕭穎士柳沖齊名撰百家類例以張說等爲近世新族剗去之說子增方有寵怒曰天下族姓何與若事而妄

紛紛耶初書成以示章述述謂可傳及聞垣語或欲壞損之述曰止大丈夫奮筆成一家書奈何因人動搖存死不可時述穎士冲皆換類例而至書稱工

包進士融

子何侏附

包融烏程人舉開元進士第任集賢院學士與故鄭萬齊會稽賀朝江雨荆臣才名振世時稱包萬荆賀融二子何侏皆以文世其家

散騎常侍馮介夫定

兄宿附

馮定字介夫婺州東陽人博學工文辭與兄宿齊名人

方漢之二馮遷太常少卿文宗嘗詔開元霓裳羽衣舞  
參以雲韶肄於庭定部諸工立懸間端疑若植帝異之  
問學士李珣珣以定對帝喜曰豈非能古章句者邪親  
誦定送客西江詩召升殿賜官中瑞錦詔悉所著以上  
遷諫議大夫以左散騎常侍致仕卒初源寂使新羅其  
國人傳定黑水碑画鶴記韋休符使西番所館寫定商  
山記於屏其名播戎夷如此

秘書郎錢起

錢起長興人登天寶進士第任秘書郎少博雅以能詩

名其初隨計吏也。寓於驛舍。聞有吟者。云曲終人不見。  
江上數峯青。及就試。賦湘靈鼓瑟詩。結句未得。因以二  
語足之。主司曰神句也。遂居首選。大曆中。與郎士元俱  
以詩名。士林爲之語曰。前有沈宋。後有錢郎。公卿出牧。  
奉使二人。無詩祖。行人以爲耻。有集十一卷。子徽別有  
傳。

丹徒縣尉項子遷斯

項斯字子遷。台州人。會昌二年進士。及第爲丹徒縣尉。  
卒官。斯於寶元開成之際。聲價特甚。楊敬之雅愛其詩。

所至稱之。所謂平生不解藏人善，到處逢人說項斯者，是也。斯有詩集行世。水部張垞序之。垞以斯爲江東人。

協律郎章八元

子孝標孫碣附

章八元，桐廬人。登大曆六年進士。貞元中，調句容主簿。遷協律郎。少從會稽嚴維學詩，有悟號。章才子嘗於郵亭偶題數句，蓋激元楚以辭家也。維大異之，遂親指論。數年克賦擢第，其題慈恩塔詩，元白名家深爲詫異。且謂不意嚴維出此弟子。與郡司馬劉長卿更相唱和。長卿酬句有云：曾家唯好月，深媿子猷過。其爲名流實鑿。

如此子孝標登元和中進士第爲山南東道從事武大  
理寺評事初孝標下第流輩多爲詩以刺主司孝標作  
海燕詩獨存忠厚侍郎庾承宣展轉吟諷卒以受知孫  
揭登乾符三年進士詩多佳致深得風人雅致有集一  
卷行於世

職方員外郎袁還朴不約

袁不約字還朴新城人登長慶三年進士又試平判入  
等仕至職方員外郎有袁不約集一卷羅隱撰新城築  
記有云天下無事吾鄉則有凌準吳降袁不約以文學



進

方維飛干

方干字雄飛，桐廬人。咸通中，屢舉進士不第，初居縣之  
鹿，鵝源，後隱鑑湖。時徐凝有詩名，一見器之，授以詩律。  
干貌寢陋，又塊缺而喜陵侮，嘗謁蕪帥，誤三拜，人號方  
三拜。晚遇醫補其唇，又號補唇先生。其詩清潤小巧，率  
多警句。蕪帥方薦於朝，而干則死矣。門人私謚曰玄英  
先生。有集十卷，行於世。舍人王贊云：干之爲詩，鈎肌滌  
骨，未瑩霞綺，嘉肴自將不吮，餘雋麗不葩，紛苦不羶，轉

當其得志，倏與神會，詞若未至，意已獨往。孫師云：先生爲詩，高堅峻拔，其秀也；儂蓋於常，花其鳴也。靈籥於衆，響咸通乾符、廣明中和間，爲律詩。江之南，未有及者。光化中，補缺常莊，始奏，追賜及第。唐末宰臣張文蔚，中書舍人封舜卿，奏名儒不遇者十有五人，請賜一官以慰冥魂，干其一也。後宋景祐間，范文正公守睦州，過其故居，想像遺風，繪像於釣臺，以配子陵。

戶部侍郎吳子華融

祖翁附

吳融，字子華，山陰人。祖翁，有時名。大中時，徵辟不赴，賜

號文簡先生。融學益自力。富彞調。龍紀初。舉進士。帝昭  
度討蜀。表李書記。累遷御史。歷翰林學士。昭宗反正。御  
南闕。羣臣稱賀。融最先。至於時。左右驩駭。帝有指授。疊  
十許。稿融跪作詔。少選而成。語當意詳。帝咨賞良厚。進  
戶部侍郎。有詩四卷行於世。

閻士和

閻士和。烏程橫山人。以詩名於時。隱居不仕。結庵道場  
山下。名之曰歸雲。與僧皎然爲方外交。皎然嘗有舟行  
寄懷詩云。二月湖南春草遍。橫山渡口花如霞。相思一

日在孤舟空見歸雲兩三片其標致蓋可想已

工部尚書陸祥文辰

陸辰字祥文嘉興人宣公贊之族孫也光啓二年舉進士第一累遷翰林學士辰屬辭敏贍若注射然一時詞臣皆以爲不及昭宗甚寵異之常侍金鑿作賦帝嘆曰朕聞貞元時有陸贄能作內廷文書今得卿斯文不墜矣遷尚書左丞同中書門下平章事進階光祿大夫嘉興縣男尋貶陝州刺史久之授工部尚書從帝自華州還封吳郡開國公

嚴子重憚

嚴憚字子重，烏程人。博學能詩，尤工七字，清便柔媚。逸於常軌，十舉不第。卒，皮日休傷之，其詩序云：予爲童在鄉校時，簡上抄杜舍人牧之集，有與進士嚴憚詩。後至吳，一日有客曰：嚴憚，予志其名久矣。遠懷文見造，於是繫得禮而觀之。生舉進士，亦十餘計，借予方克之，謂竟有得於時也。未幾歸吳興，後兩月，嘗人至云：生以疾亡矣。噫！生徒以文辭聞於士大夫，竟不名而逝，豈止此而湮沒邪？於是哭而爲之詩云：

和州刺史凌宗一準

凌準字宗一富春人以孝友聞工文辭著後漢春秋二十餘萬言準爲人有謀略尚氣節年二十以書干丞相擢崇文館校書郎又以金吾兵曹爲邠寧節度掌書記涇源之亂以謀畫佐元戎有大功累遷殿中侍御史浙東應訪使判官村捕殺人按驗汚吏吏民敬愛召爲翰林學士遂爲尚書由本職參度支調發出納有方出爲和州刺史降連州司馬卒

給事中羅昭諫隱

子塞翁附

羅隱字昭諫，餘杭人。隱居池之梅根浦，自號江東生。性傲睨，工詩，博物多智，好譏評人物。舉進士不第，病卧長安。屬旱，詔祈雨作法，隱上疏諫，其辭婉轉規諷，後從事湘南。歷淮潤，不得意歸。謁錢鏐，表爲錢塘令，遷著作郎。後爲鎮海軍節度掌書記。鏐時初授鎮海節度，命隱草謝表，朝廷見之曰：「此羅隱詞也。」賀昭宗更名晔，表曰：「左則姬昌之平字，右則虞舜之全文。京師稱爲第一。」朱溫篡唐，隱說鏐舉兵討梁，曰：「縱無成功，猶可退保杭越，奈何交臂事賊爲終古羞。」鏐雖不用，心甚嘉之。累遷諫議。

大夫給事中卒。隱爲詞章，有風力於詩。尤工與同姓。其  
類齊名。時號三羅。舊賦江常有二氣，夜且天。及隱與杜  
建徽生氣不復見。議者以爲文武秀氣鍾焉。隱著湘南  
甲乙集。淮海寓言及讒書六十一篇。行於世。子塞翁爲  
鎮海軍節度推官。善畫。羊起妙絕於一時。

五代 凡一人

嚴州刺史劉昭禹

劉昭禹，金華人。博學爲詩，刻苦嘗自云：句向夜深得心。  
從天外歸。後任湖南，爲天策府學士。嚴州刺史。有詩三



百篇

兩浙名賢錄卷之四十五終